

歸

愚

詩

鈔

歸愚詩鈔卷十三

長洲

五言律詩

熟食日

總是傷心處，况當寒食時。
一番江上雨，無限故園悲。
魚菽虛盈几，棠梨自滿枝。
邛山回首望，腸斷杜陵詩。

櫻桃

豈是成都種，離離一樹勻。
顆含庭際鳥，紅照坐中人。
異地方迎夏，故鄉誰薦親。
風前無限感，不忍遽

嘗新

題蜀難記略後

華陽沈公殉流寇張獻忠之難幼孤豹文
播遷於蜀逾二十餘年始歸作蜀難紀略
與吳梅村紀略各異

全蜀竟塗炭皇天亦不仁守官甘鼎鑊亂世有君
臣板蕩遭亡國兵戈剩後人馳驅駝笮路廿載歷
風塵

萬里歸來日空招異國魂君親皆至性忠孝有危
言字積玉褒泪聲兼巴峽猿

聖朝求實錄良史在清門

挽張岳未

科名真累汝遠徼作勞臣守正偏逢厲尊生轉殞
身遺棺歸故國家食仰何人媿我同麻鏡空將絮
酒陳

旱四首

夏旱連秋旱陰陽嗟久訖黃埃飛下隰血淚滴枯
禾直訝火生井誰看豕涉波愁時虛有願無力挽
天河

三月閉雷聲天公令不行禱誇繁露術憂切望雲

情孝婦疑遭戮引羊或待烹甯來每翹首星漢影
徒橫

旱田過白露得雨半無功况值吐花候偏生動地
風兼旬禾盡偃萬畝粒將空回憶祈年日窮檐一
笑中

交豫告災日燕秦待賑年如何古吳地原野復蕭
然蒼赤唯存骨強良不畏天安民先禁暴專望大
臣賢

九日登君山

秋興莽牢落江光混宵冥客中逢九日木末坐孤

亭狐兔岡嵐竄魚龍几席腥一杯澆楚相吾欲問
精靈

送陳樹滋

更異他時別愁懷知萬端存亡悲骨肉去住慨艱
難辭葉衰楊晚移枝烏鵲寒故交或念汝珍重向
長安

舟次詠懷二首

時五十
初度

天地冰霜候風濤漂泊身匆匆逢五十款款話悲
辛同及門
諸子蒿蔚憐衰草泥沙困涸鱗蓬窓把村酒

遣興轉傷神

孤舟去住輕野宿就荒城遲暮易增歎雲山空復
情微軀慙救過儉歲拙謀生百感難成寐長天旅
雁聲

梅花樓文讌和杜雲川太史韻

山間雲作牖木末石為樓酒置王珣宅人來柳惲
家綸翁編修蒲葵方令節湖海總名流何處梅花落

聲聲笛韻幽

雜坐鳥巢外披襟嵐翠中一尊懷霸業半嶺受天
風泉石言俱妙漁樵道亦同涉江來日事蘭槩興

何窮

重五前二日

輓宋南園文選

纔復銓衡舊重為出塞行虎頭空異相馬革足平
生淚下三邊卒魂歸萬里程知公遺恨在絕域未
休兵

主聖容孤直臣勞咎獨賢聲名重叅選心血盡籌
邊清論朝班上遺棺雪嶺前乘槎有歸日未及漢
張騫

憶昔論文日城南坐小樓把杯當七夕分手竟千

秋

時乙未七夕不數日南園從軍西上

白雁飛空到黃雲望欲愁大

招吾有作何處是秦州

晚秋雜興

亢陽連四月凶歲歷三年
蒸遇成湯世難回覆閉
天西風動茅屋荒草滿原田
黃雀虛求食飛鳴亦
可憐

蓬戶炊常斷朱門廩亦空
已判離骨肉無處鬻兒
童井邑征求裏牛羊涕淚中
誰能師鄭監圖繪達
深宮

知交徂謝後頓使寸心灰
舊篋存三賦新辭詠八
哀秋飈涼病骨落日高臺
莽莽環瀛內誰人解
愛才

安邊資重鎮防寇及深秋應有金城略能紆

玉座憂西戎連種類諸將拜公侯何日旄頭落龍
庭兵甲休

北關湏才峻山林士氣增蒐羅到麻葦曲直中釣
繩周變逃名苦孫弘對策能虛聲應共雪莫負壘
書徵

生田王氏幽居

竹靜江喧地幽人好結廬歲時看草木朋舊託樵
漁每種陶潛秫曾焚阮裕車機心久忘却爭茅任
羣狙

一姓成邨落三農作比隣打門無俗吏載酒有閒人
網得河魚賤分歸社肉均從知塵世裏猶見古風淳

可詩亭畔路

係顧仲瑛讀書處

今作輞川莊聲伎隨流水

風華續瓣香紉蘭嘗憶楚曳杖或歌商俯仰無窮意
登臨送夕陽

山遠遙分翠江空欲上潮橋危呼小艇路失認遺樵
禮法從吾簡清詞信口謠閒園逢老樹蒼幹見前朝

伯子清才富瑤林集孔鸞恥歌白石粲聊得頌人

寬東觀羣簪筆南陔獨采蘭三公真不換日侍寢
門歡

真孃墓

千古消魂處高原葬舞羣松間蘇小墓花下蔭濤
墳名自詩人得山從霸主分講臺聽法後應已斷
行雲

鞠

獨立三秋後花開白露團不容人玩狎曾見晉衣
冠酒盡何妨對饑來或許餐果能存晚節任爾夜
霜寒

天意存高潔，踈籬試晚香。風前人共淡，月下影俱涼。豈敢怨遲暮，無心及艷陽。不逢陶令采，寂寞亦何傷。

簡李鹿山中丞

虎阜聊雲卧，青山竟可賒。憂民還有淚，報國已無家。病蓄三年艾，閒看七里花。海疆沈竹楫，倚日障風沙。

哲匠多能事，新詩品自尊。風花餘道趣，飲食摠

君恩慮澹穠。華謝聲希正，始存媿非吳。季子古樂敢深論。

挽方舟兄

射陽凶問到轉憶送征車衢路踟躕頃文章付託
餘那堪成永訣無望慰離居媿我非玄晏三都序
不如

荷鍤吾生事憐君死未埋一棺依古佛千里阻清
淮兒子寒披葛姬人病典釵還思少年日裘馬洛
陽街

吟壇聯北郭僧寺往來頻高格追前哲他年重此
人姓名還在口几席已凝塵底用山陽去才傷向

秀神

宿李芥軒邨莊

芥軒失
明三載

又成今夕會寒雨草堂前別久疑殘夢顏衰憶往年
深談呼剪燭縱酒欲忘天捧杖童孫侍欣看後輩賢

天亦難殘汝依然愛苦吟世人俱信耳此老不盲
心有恨緣懷舊無眠只擁衾伯鸞遺跡在明發約

相尋

時約鴻
山之遊

山居雜詩

久驚思靜理買宅得山居豈敢慕高蹈聊云愛我
廬頽垣限雞犬喬木辨村墟隙地堪為圃吾持此

荷鉏

地與花宮並鐘聲早暮聞
農過時賣畚客到偶論
文帆帶洞庭雨屐穿茶塢
雲自耽閒趣味未遣衆
人分

綠蔭隣家樹香流戶外溪

門外通溪水

幽花難識種好

鳥各成啼拾橡空林近
劬茶野徑迷鹿門期可遂
安穩報山妻

一水塵氛斷人情尚率真
負薪徵賤價賒酒許比
鄰時說長官好還憐
寡婦貧秋深聞社鼓報
賽及良辰

身閒諳物態小小亦關心
怒晒螳螂臂哀憐蟋蟀
吟豆花涼雨落瓜蔓早霜侵
無限構椽意風前理
淨琴

歲稔風光好山村事事宜
施僧家有飯請藥里添
醫雀開收未日蜂喧割蜜時
况聞緩征賦歡喜到
童兒

憶昔耑茹叟

張子永夫

居同岸上船胸中滿冰雪得句

搃雲煙牙曠久不作歎欽誰復傳
寂憐埋骨後寐
冥研山前

樹屋舊名傭年衰竟作翁
畫圖添晉服蒼翠接吳

宮山好遊難定交新氣已通偶然懷故里東望靄
濛濛

散食遊魚喜吟詩野鳥聽饑臨乞米帖閒注相牛
經厨顧龍俱鍛由光鴻已冥聊同南郭卧不辱北

山靈

焚身緣象齒累俗為猪肝與世一無擾始知天地

寬藥苗隨徑采茶竈任童安行覓鍾吾路即穹窿山赤松

子采藥霞空巖問大丹

贈張時升

身立窮通外家居圖畫間潮回疑蝕岸雲動欲移

山穴並臺佟鑿門如粟里關因思塵世裏只有此
人閒

不寐

寒夜何時旦虛窓月尚明燈昏殘焰小衾冷曉霜
清多謗緣違俗無成為近名鐘聲來枕上耿耿念
平生

信宿王湖柏山莊兼贈令嗣再軍

杖履有餘綠人家在竹林不教猿鶴怨自得薜蘿
心先德甘陵部新辭梁父吟壁間留古篆相對感

人琴

陳隱君
易山

世事不能到深松瘦石邊
人心清止水山色澹秋
煙落葉從風掃寒花得露妍
精藍處處有隨意訪
枯禪

令子才飛動心輕章句儒
續編分紀傳輯歷代史傳舞

蔗代戈戈豪氣堪磨盾
嘉名在素繡吾生高興減
對爾那能無

相約把枯藤尋山我尚能
嶺蕪飛鳥度磴逐野獠
升雲木摠堪畫張子墨峯指示畫理僧寮亦得朋
斷崖留姓

字到處記吾曾

荅彭殿撰芝庭

憶昔論文日城南互主賓狂言容我盡交態見君
真海宇傳三榮山林滯一身行藏均努力事國與
安貧

三載分張後窮廬獨坐愁仙舟懷李郭逝水悵應

劉西塘鹿林諸君往事鴻留爪虛名魚中鈞因君遠相問

將此寄麟洲

為踐煙嵐約移家近曠村隣園種香草巧匠斲山
根念舊龍鸞夢留雲薜荔門他年倘相遇款款話
琴尊

內子六十

辛苦吾家婦，新秋五紀初。
長齋非奉佛，達理不開書。
井為澆花汲，菹因待客儲。
無慙令狐子，安穩勸耕鋤。

紙閣傳觴夕，相看歲月侵。
樊英曾荅拜，祝牧久同心。
世賤藏山璞，君箴躍冶金。
前期能不負，偕老白雲岑。

林處士墓

生死占孤山，荒墳枕碧湍。
節高种放隱，詩勝孟郊寒。
封禪書無橐，埋藏硯有端。
何從薦秋菊，清水奠岡巒。

錢塘詠懷古跡八首

家國兩無負英名今古存恨應遺越絕自己抉吳
門氣壯東南會潮翻天地根誰人歌小海踏浪弔
忠魂

走海鞭山者紆回到會稽雄心驚惡水侈頌比玄
圭山鬼璧曾獻真人藥轉迷惟餘繫纜石聞在浙
江西

偶過忠清里猶傳僕射祠已承潁水命忍聽綠衣
詩直道身難惜投荒志不移愛州魑魅地魂斷楚
湘繫

販豎忽侯王乘時據土疆誓書頒鐵券強弩捍錢
塘衣繡榮喬木歌風耀故鄉生平留缺陷無力討
朱梁

殺魄儼靈宮棲霞一望中長城偏自壞痛飲竟成
空父老悲南渡松楸戰北風復讐抱遺恨生值魯

莊公

疆寇南侵日君王避敵時守臣康允方竄海縣令

獨興師隴上陳安死彭衙狼躡馳霍山遺廟在英

氣滿靈旗

兀木陷臨安縣令朱蹕與尉曹金豚祝
戒賊死朱蹕見宋史金豚祝威見鄭子

文記

死不臣劉豫 羈留十七年 絕糧臥區脫 笑主向冰

天麟閣無名氏仙芝

地名

有墓田議和真誤國痛恨

並忠宣

洪皓

神龍困魚服 司馬握兵權 早決飴甥計 羞同宋室

遷廟堂 勞定位 刀俎荅籌邊 晤對文山像 忘身知

有年

忠肅自任事後嘗懸
文文山像於卧所

聞潮

萬騎奔殘夜 潮聲到枕邊 羣山疑走海 一氣想浮

天 秋月照無夢 江神助不眠 聞根他日斷 任爾撼

枯禪

高郵

秦郵稱澤國厥土信塗泥波漲城疑下堤高屋自
低漁舟千葉小米市萬家齊指點文游蹟荒臺路
欲迷

渡黃河

濁水天邊下驚雷耳畔過榜人貪利涉歌笑渡黃
河筲竹長堤接魚龍積氣多平生仗忠信未覺狎
風波

合流洶湧望裏杳冥冥午日照無色陰風觸自
腥天涵三楚白山斷兩淮青不敢吹長蘆蛟龍恐

出聽

水宿

水宿又風餐初經行路難載書關吏歇止酒僕人
謹魯道看平坦吳雲望渺漫家中如有夢先到
長安

太白酒樓

孔巢父等觴太白於此碑云任城令賀知章乃誤傳也賀未嘗

為任城令

賓主一尊酒高樓千古傳斯人不可作勝事空當
年盪胸納河濟舉手攀雲煙誰為後來者倚檻心
茫然

過臨清

半里分雙插千櫓爭一門招商足魚米徵稅及雞
豚風掃沙成陣堤高水落痕前途指息縣野泊已
黃昏

黃金臺

霸業莽岑寂千秋尚有臺當年諸國士豈為黃金
來日照薊門澹雲飛碣石開
盛朝多稷卨誰數樂生才

題杜少陵像

道子久不作何人畫少陵杜鵑春再拜駿馬老還

魚言金卷一
三
騰萬里懷宮闕孤舟斷友朋憂時蕉萃意貌出竟
誰能

朱鳳失琅玕翻飛不暫安饑寒依舊友諫諍落微
官入蜀詩篇老浮湘去住難千秋傳帶笠想像髣
毛殘

朗夫贈裘

持贈羔羊絨窮冬正積陰耐寒貧士骨共暖故交
心客路酬難稱衰年感倍深遙憐玉關戍誰念雪
霜侵

春雪

五出筵筵下偏垂暖律回誰云不到地知是欲侵
梅鴈路迷難返鶯林冷未來此時豪貴客先上望
春臺

春睡美無度曉驚雪滿檐因風隋平砌先燕入輕
簾消易山容出寒留酒價添土膏知欲動不待雨
廉靈

詠蝶

冉冉度鄰牆翩翩小鳳凰翻風蕪柳絮飲露宿花
房妬為蛾眉好憐因金粉香前身誰貌汝稿本有

滕王

筵上看日本刀

四座繞晴虹名刀認海東
刃流霜氣白光閃燭花
紅鍛鍊經夷島飛騰泣
鬼雄時清方便武虜爾立
邊功

泊舟版牖

淮流清見底愛此晚停橈
市闌知冬盡僧閒歎客
勞河孺兒祀竈淮上小兒祀竈以其無過也
邨店婦司庖明日
騎驃去春風拂緇袍

客中除夕

歲自途間改杯從客裏傳
蔬簪良士駕草具主人

筵短燭身千里中宵夢兩年曉鐘徐動後又擬涉

清川

將渡沂水

早行

荒雞催月落草草走長途柝響整疑近

魯人呼戍所為整

沙平路欲無風威寒馬骨冰凌上人鬚後隊時相失蒼茫顧僕夫

蒙陰道中

路轉嵐光改沙飛日色昏戍樓高在嶺山縣小於邨俗野懷枝鹿民窮賦篋珍宣尼思變魯惆悵與

誰論

望嶽

大造愛奇崛產茲東海間
五方羣長仞九宇總無
山青帝靈難接天門路
可攀何須凌絕頂胸已隘
塵寰

謁嶽廟

闕殿崇東國唯神配極聞
鐘沈汶源水香和泰山
雲檜柏森靈氣碑銘辨
古文升階肅瞻拜萬慮靜
紛紜

交河遇雪

風雪交河道遙空望渺漫
燕齊同一色天地失雙

九為念無衣苦還憐邊境寒
軺車馳百里不覺路
行難

過蘆溝橋

桑乾流百折到此激盤渦
今古利名客俱從橋上
過風沙揚旦暮鎖鑰壯關河
塵海茫茫際誰人發
浩歌

送琛亭都統防秋

長征兵久息慮遠亦防秋
作鎮隣魚海籌邊仗虎
頭名高北平守氣敵義陽侯
不待資參佐中軍有
壯猶

欲別赴龍荒相邀共舉觴古書巢脉望寶劍耀魚

腸詞人馬大鈴意氣看飛舞詩篇入混茫尊前歌

一曲鏡吹合清商

去去白龍堆邊庭暖氣回衛身金甲在服遠玉關
開不藉葡萄入還聞天馬徠瓜期應屈指西望久
襄徇

張鐵橋畫馬

高士寫神駿生龍在眼前壯心馳塞上絕足占鷹
先戰鬥神俱出調良性亦傳何時真買得便與躡
雲煙

畫鷹

華嶽峰巔鳥驚者上匹綃高懷一點染爽氣在雲
霄勁翮自無敵凡材不敢驕倘能呼汝下會看別

鷹泉

歸愚詩鈔卷十四

長洲沈德潛礪士

五言律詩

秋雨決旬恐傷農事又聞河決兗豫間

馮有作

經旬韜日月秋雨苦兼風城市雲煙裏輪蹄泥淖
中那堪傷稼穡况已熾螟螣回斡憑元老毋令賦
有饑

傳聞河水決兗豫勢滔滔瓠子宮難築懷山浪自
高官曾勤補救鴻鴈正鳴號曲突從先見何煩

聖主勞

史閣部墓

英衣冠

閣部餘業壠碑文筆有神蟲蛇殘四鎮冠劍葬孤
臣一死人長在千秋草不春忠魂吊蘿石

左懋南

北並成仁

吳桓王墓

驍騰同項籍兵到避英鋒身欲迎炎帝人偏犯白
龍石麟依古堞金鴈拾耕農遺恨知難泯吳王受
魏封

過高酣亭懷施覺菴先生

十年重過此獨上高酣亭遙憶閉門者忍饑時誦
經鶴空雲外白蘚剩雨餘青可作思隨武先民有
典型

內子七十

七十吾憐汝長貧老歲華苦諳黃蘗味澹采白蘋
花清話聽揮塵寒燈課績麻殷勤勸歸隱宵艷七
香車

贈張聲夏

獨抱遺經在空山老此身後來有心者轉屬喪明
人尸祝庚桑楚紛綸井大春他年高士傳誰為表

前民

下相夜泊

舟泊鍾吾驛茫茫浪不平
荒祠導項籍霸業指彭
城霜月篷間影黃河枕上聲
高天聞鴈語辛苦亦
長征

南池

任城勺水地猶號古南池
杜老留題後何人更詠
詩曹劉辭並失稷高願誰知
日晚空潭上臨流有
所思

過阜城

廿里漫河路荒涼劉豫城民窮輕習禮土滿少躬
耕北國封齊帝中原擾宋兵爾曹堪一笑遺臭亦
垂名

賈閻仙墓

斷碣房山道荒荒歲月深微官留古墓落日存楓
林詩瘦秋山骨禪通老佛心精靈發高唱不是鮑
家吟

顧南千到寓投詩三章如其數報之

值我懷鄉候逢君作客來姓名仍草莽鬢髮滿塵
埃朱鳳憐摧羽青雲孰愛才無窮身世感落日弔

金臺

天涯同促膝只當故鄉看倍覺輸心快都緣會面
難開尊逢雨過跋燭到更闌聽罷談存漫茫茫感
百端

乍脫北征軸長歌東武吟誰於塵海際鼓此枯桐
琴烹酒味無味湘流深復深不須人共賞吾道在
幽沈

七十詠懷

鳥影匆匆過蹉跎七十年童心仍少歲老學媿前
賢客况淹塵海家山夢蕙櫂行藏中自忖不用問

蓬筮

待詔憐方朔，修書問宋祁。
斯人今不作，懷古重歎。
歛米讓侏儒，飽文防札闥。
譏滑稽，吾未敢秉燭繼
餘暉。

黃流蕩凶歲，山左并淮徐。
草樹難為食，蒼黎竟作
魚。

詔聞頒帑藏，功未奠河渠。
俯仰慙安飽，匡時計已
踈。

驛家分兩地，踪跡似秋蓬。
老我燕山北，荆妻葑水
東。
久無鄉信到，祇仗夢魂通。
此夕家園話，應憐鶴

鬢翁

交為詩篇定情因離別深相思共寒月獨寤託清
琴豈以關山故而忘屈宋心諸公應待我他日並
題襟

故舊燕隣比開門老薜蘿連墻時晏笑踏雪此經
過旅邱情逾密風霜氣轉和不須屠狗客醉後亦
高歌

送顧古湫同年之楚南

客中仍作客秋序况櫛椽本是騷人侶應聞楚地
砧竹留妃子淚江見左徒心知爾相思夢遙歸楓

樹林

水國宜孤鶴何妨滯楚汀鄭公能愛士杜老自忘
形香草時堪攬清猿不厭聽他時傳雅奏鼓瑟是
湘靈

跨馬

筋力摧頽後居然跨馬行略聞蹄跡蹠未見勢縱
橫顛晒原吾輩蹉跎媿此生他時服

王事猶得試長征

題葯齋張公觀獲讀書圖

輔教

自
言
金
一
日
明廷日超然念故鄉
遺安心自穩務本業
毋荒鄴架三千卷成
都八百桑龍眠山色
好不數午橋莊元老
垂庭訓歸田示樸真

先皇灑

宸翰念舊重臣鄰

聖祖御書即文端公詩
向宗伯取其意寫畫

鐘鼎承前緒經畬望後人

課畊蕪雜誦報

國在還淳

使節臨吳地衡文歷九年清風動江國和氣滿霜
天投老懷疏廣揮毫付鄭虔披畫同御李杖屨想

安便

未許竟抽簪

君恩深復深遂初臣子意典禮

聖人心縹帙時繙閱黃雲寄詠吟明農他日事放
浪故山岑

過長新店路逢蔡子芳三袁生質中入都

即言別

人海驚初見相憐是故人四年情倍結萬緒話難
申燕鴈更南北禪宗互主賓匆匆又言別各自起

征塵

晚行清苑道中

雲水蒼茫際，輶車有路通。
人行亂霞外，馬渡急流中。
秋杵敲荒戍，村歌唱晚風。
前途任柝宿，星使等征蓬。

風雨渡滹沱河

屢遇月生暈，還看豕涉波。
朝來風雨急，衝浪渡滹沱。
我僕俱無色，中流敢放歌。
何心懷麥飯，冒險此經過。

平靖關

荆豫分疆處，天然屹此關。
斷崖通一綫，絕頂控千

山地險風雲壯時清戍守閒當年龍戰日飛鳥尚
難還

宿滎澤

薄暮投滎澤黃河古岸邊怒濤寒到枕長夜醒如
年事國慙無術禔躬合省愆明朝經衛地抑戒誦
遺編

客中讀楚辭作

遊楚難忘楚歸途讀楚辭宗臣無可適懷石竟何
疑荒幻文偏韻芬葩志愈悲一篇三致意往復取
堪思

共君懷蹇蹇有姊詈申申呵壁天難問求媒鳩不
親歸魂辰淑遠虛願太初鄰讀罷悲風起空林若
有人

夜夢張存中太史郵亭共話雲天黯慘彌
望一色問何地曰相見坡也時泣下不止
既寤惘然賦詩以志悲感

故交俄見夢話舊坐離亭地入蠻煙黑魂經楓樹
青一棺歸故里三世仗單丁未聽山陽笛風前涕
欲零

夜宿中書省偶述

獨宿絲綸閣虛堂鐙火清窺檐星漢影記夜柝鈴
聲報稱慙須髩踈慵負

聖明家園通夢寐遊釣憶平生

孤鴈

憐爾無儔侶飛飛雲路深長空惟片羽中夜有哀
音天地留高節關河抱苦心離羣吾亦感顧影動
清吟

聖駕東巡恭紀

東巡當二月大典叶虞書花柳舒顏候山川效順
餘

島博言金卷十四
六飛

天子駕數仞

聖人居望幸連齊魯顯顯待罕旗

統緒

君師合心源接大成宮墻瞻禮器堂斧拜佳城鏗
殷金絲奏林叢著草莖諸賢分道脉一體奠瑤觥
至論開靜贖

鴻文煥昊穹

先師經展謁前聖復尊崇淵樂金天德勤施家相
功廟陵親灌獻為道屈

皇躬

虔祝

慈寧福

鸞輿陟泰山嶽推東國長秩領上公坵燔燎郊壇
際升香帝座間莫言天下小海外亦人寰

已告升中禮旋經濟水南閭闔咨父老耕鑿慰丁
男麥隴當春茁

皇心望雨甘天人相協應子惠萬方覃

秋蛩

金粉嗟零落高飛恐未宜飈風隨葉亂泥露得香

遲荒草留殘夢
絲花憶故枝
休將紈扇撲
憐爾已
違時

秋燕

霜露冷
毛衣無心戀
錦幃穿花成
往事讓鴈欲先
歸舊主
難輕別
過時合退飛
明年春社日
好認故園扉

秋塘

芙蓉零落後
目渺水粼粼
鷗外移孤棹
波間溯美
人衰楊身共晚
芳草夢猶春
便擬携朋好
沿隄采
白蘋

秋山

頓覺遙嵐改排空分外青煙消除障礙骨瘦見瓏
玲霜樹媚幽壑寒流界翠屏猿聲清徹耳一倍不
堪聽

秋村

葭菼蒼茫外遙知原上村稻收喧鳥雀芋熟聚兒
孫賽社家家酒春寒處處屯朱陳遺意在歲稔互
通婚

秋戍

繡甲撲霜花疆場老歲華西風嘶鐵馬涼月卧龍

沙箭下三更令魂驚萬里家
渾邪猶未滅莫敢聽
秋笳

秋琴

猶是枯桐質絃絃商意侵
偶然一揮手四座摠蕭
森落雁空江思猗蘭中谷
心誰為相和曲湘瑟亦
哀音

秋鏡

舊日盤龍在秋窓隨意安
已逢金氣滿倍訝月光
寒抱影憐飛釋驚心意故
驚不勝遲暮意惆悵若
為看

奉辭 果親王四首

詔命談經籍相將樂孔顏亥年逾絳老酉室啓名
山幸遇間平德深慙枚馬班頽齡許歸里一舸返
江關

帝眷深同氣今桐自弱齡賓筵常設醴高座日橫
經討論羣儒折風儀百辟型餘閒論馬射飛騎似
流星

侍宴親華鄂新詩壓柏梁好彈符子建

陳思王詩
文好人譏

彈應時
改定

吹瑄陋邠王謬廁平臺客同賡雅樂章驪

歌雖疊唱未忍解歸航

滿目王孫草萋萋送玉珂裝輕添墨寶帆遠載

恩波古篆鐫

龍藻

命工鐫刻賜詩中句

佳篇耀薜蘿回思陪講席風雨共

磋磨

謝皋羽墓

丞相已成仁遺民剩一身西臺曾慟笑古墓不逢
春朱鳥魂應返嚴祠地許鄰高吟晞髮詠山鬼亦
傷神

水碓

水勢觸輪鳴溪流藉不平枯椽依樣轉杵臼自傳

聲袖手身都暇
營心機漸生因憐五噫客
勞苦滯吳城

宿茅蓬

抱影山齋宿
虛巖斷衆紛
峰高遲上月
閣敞淡棲雲
鶴鶴息還警
風泉靜更聞
老僧話桑梓
儒墨許

同羣

悟千上人俗本江

宿師子林

巉巖師子林
樵者始能尋
竒秀到庵盡
荒寒引境深
松龕靜夜火
菜把道人心
高卧清無夢
山雲入

戶侵

桃花溪

桃花峰直下有桃花溪溪水去無盡花林望欲
迷隍深時見鹿村斷不聞雞為憶虞山叟空懷結

屋樓

收齋欲買山樓息於此

遊蘭亭用右軍序中字成詩

遊目山陰地風流仰昔賢能同觴詠趣豈感歲時
遷品類咸齊矣情懷此快然臨文相契合不異永和年

放情九宇內春暮集同羣大化在不舍至人曾有
云聽觀隨所遇述作寄斯文俯仰形骸外無為慨

與欣

老至興不倦和風此暢遊清湍長激激林竹每脩
修崇有終為妄樂天得自由古人期可悟異世與
同流

蕭山舟夜同葉義山作

西興鐘鼓歇烏榜泛江波星斗窺牕入峰巒避客
過清言謝煙火幽夢繞雲蘿明發山陰道風流憶
永和

宿古能仁寺

地溯許詢宅門當秦望山齋禽生意滿補衲道心

歸愚詩金卷十四
開食力安耕鑿援儒慕孔顏
我来同野鳥一宿便
飛還

秦望山

富貴無窮願惟求不死方
高峰望瀛海仙藥想遊
荒山足貽嘲笑真人竟渺茫
只餘徐福市開國近
博桑

國清寺

五峰圍合霽古寺遠溪流
智者燈常在寒山蛻尚
留野雲凝佛座空翠入
經樓覺路忘喧寂無煩入
冥搜

題翁霽堂徵君秋林覓句圖

秋山無俗樹，曳杖入寒林。境與人俱瘦，思隨雲共
深。飛來天外句，證到古賢心。不盡樵樛意，歸歟鼓
淨琴。

題家冠雲徵君登岱圖

丈人峰直上，放眼入滄溟。雲卷天門白，山連海國
青。仰堪捫日月，俯自隘云亭。腹有琅玕在，披呈叩
帝扃。

曉起

土壁耿殘燭，夢回天未明。簾前霜月影，門外鐸鈴

歸隱詩金卷十四
聲寒逼爐疑燼風高扇覺輕
長途我已慣不用怯
晨征

謁孟夫子祠

夢寐懷鄒邑今來亞聖堂
斯文天不喪吾道日重
光古木森松檜豐碑峙漢唐
薪傳應有俟誰復數
荀揚

過阿縣渡河至陽穀縣作

兩岸曉爭渡喧喧鷺鴨聲
羣冰乘溜下一筏受風
橫出險方知餒登車始問程
遙遙指陽穀帶月且
宵征

懷熙孫

憶爾小於菟相望天一隅
已聞讓梨棗還許識之
無入夜遙通夢歸家定挽鬚
他時能念祖世業是
臞儒

有白項烏巢高樹童子緣樹取其雛老烏
呼噪甚哀羣烏相助如望救然衆聞之許
童子錢文童計獲利乃置雛於巢老烏還
巢仍飛鳴向人作感謝狀予有觸焉因作
詩紀其事

父子奉天性人禽實共之
融融緣晏樂戚戚為傾

危豈意烏巢穩而來童子闕驚呼頻遶樹望救不
勝悲

利欲回傾險頑心去幾何下民看牖戶羣鳥返喬
柯天地饒機變江河足網羅人生隨感觸莫忘涉
風波

早渡黃河

烏榜上朝旭長天掃積霾千秋響濤浪一線界黃
淮利濟期平日風雲動壯懷溯源虛有韻萬里渺
無涯

題袁質中照

平章惟百卉工課命童兒不斷滋培力何妨雨露
私本根能着潤蕉萃亦逢時繪出養人術當官或
未知

右灌花圖

落筆清風起移將竹作林山王聊削跡鸞鳳待遺
音培土量乾濕埋根酌淺深凌雲看異日植節更
虛心

右種竹圖

送王蘭成計偕北上

之子魁南國邦人頽枕經此行冰雪路歷盡短長

島言金卷一四
亭水湧黃流濁山橫岱嶽青廣川三榮在望爾對
明廷

寄劉光祿繩遠

塵海相逢日襟懷迥出塵指囷今魯肅投轄古陳
遵諷喻皆忠告談諧足性真座中生意滿寒月亦
回春

南園詩社地前哲此吟哦倡和乃羊仲風流續小
坡思深唐魏體格備短長歌尺素傳吳下期予劭
切磋尊人有南園倡和詩光祿
仍結詩社嘗乞于點定

前者忽班荆分張減又更偶披凍水集如見故交

情重集見贈三晉風雲壯中吳煙水清何時重會

合懷舊詠嚶鳴

贈汪蘅圃廣文兼送北上

匠氏楹為杙高才且伏跽家山遠黃海吳苑借青
瓊元草五千字文名三十年源明今未遇沽酒恐

無錢

號舍相逢日

癸卯歲

君年祇十齡登龍數前哲

述鄭魚門

先生瀉水誦遺經憶昔翻疑夢方今復聚萍還期
鼓雲翼瞬息向南溟

一載相依倚新知又故人小心歸矩矱清論出風

塵老我如逢鏡諸生共飲醇品文輕茁軌道味欲
探真

風雪閉天地輕裝方遠征衰楊無可折村酒若為
傾毛鷲垂經術慈良足性情願將調劑手一為救
罷氓